

საჯარო სამართლის იურიდიული პირი \_  
ბათუმის შოთა რუსთაველის სახელმწიფო უნივერსიტეტი

ბრძანება N 01-08/45

19 აგვისტო, 2016 წ.

ქ. ბათუმი

იმ აბიტურიენტთა რეგისტრაციის წესისა და ვადების განსაზღვრის შესახებ,  
რომლებმაც 2016 წლის ერთიანი ეროვნული გამოცდების საფუძველზე  
მოიპოვეს სწავლის უფლება საჯარო სამართლის იურიდიული პირი - ბათუმის  
შოთა რუსთაველის სახელმწიფო უნივერსიტეტში

„უმაღლესი განათლების შესახებ“ საქართველოს კანონის 22-ე მუხლის, ბსუ-ს  
წესდების მე-8 მუხლის, „ერთიანი ეროვნული გამოცდების ჩატარების  
დებულებისა და სახელმწიფო სასწავლო გრანტის განაწილების წესის  
დამტკიცების შესახებ“ საქართველოს განათლებისა და მეცნიერების მინისტრის  
2011 წლის 18 თებერვლის 19/ნ ბრძანების, „ბსუ-ს ბაკალავრიატის და  
მაგისტრატურის საგანმანათლებლო პროგრამების სასწავლო პროცესის  
მარეგულირებელი წესის დამტკიცების შესახებ“ ბსუ-ს აკადემიური საბჭოს 2015  
წლის 08 ოქტომბრის №111 დადგენილების, „საჯარო სამართლის იურიდიული  
პირის - ბათუმის შოთა რუსთაველის სახელმწიფო უნივერსიტეტის სტუდენტთა  
სწავლის საფასურის გადახდის წესის დამტკიცების შესახებ“ ბსუ-ს  
წარმომადგენლობითი საბჭოს 2015 წლის 29 სექტემბრის №06 გადაწყვეტილების,  
„ბათუმის შოთა რუსთაველის სახელმწიფო უნივერსიტეტში 2016-2017 სასწავლო  
წლის ორგანიზებულად წარმართვის შესახებ“ ბსუ-ს აკადემიური საბჭოს 6  
ივლისის N40 დადგენილების საფუძველზე

ვ ბ რ ძ ა ნ ე ბ:

1. 2016 წლის ერთიანი ეროვნული გამოცდების შედეგად საჯარო  
სამართლის იურიდიული პირი - ბათუმის შოთა რუსთაველის სახელმწიფო  
უნივერსიტეტში (ბსუ-ში) ჩარიცხვის უფლების მქონე აბიტურიენტთა  
რეგისტრაცია განხორციელდეს მიმდინარე წლის 29 აგვისტოდან 9 სექტემბრის  
ჩათვლით.
2. აბიტურიენტთა რეგისტრაცია განხორციელდეს ბსუ-ს ფაკულტეტებისა  
და შესაბამისი საგანმანათლებლო პროგრამების მიხედვით შემდეგ მისამართებზე:

ა) საბუნებისმეტყველო მეცნიერებათა და ჯანდაცვის ფაკულტეტზე: ბიოლოგია, ეკოლოგია, გეოგრაფია, ქიმია, ზღვის ბიოლოგია, ფარმაცია, ფიზიკური მედიცინა და სამედიცინო რეაბილიტაცია, მედიცინა, სტომატოლოგია (მისამართი: ქ. ბათუმი, ნინოშვილის ქ. №35, ოთახი №309);

ბ) ჰუმანიტარულ მეცნიერებათა ფაკულტეტზე: ქართული ფილოლოგია, ისტორია, ინგლისური ფილოლოგია, გერმანული ფილოლოგია, ფრანგული ფილოლოგია, რუსული ფილოლოგია, თურქული ფილოლოგია, თარგმანმცოდნეობა, ფილოსოფია, თურქეთისმცოდნეობა ( მისამართი: ქ. ბათუმი, ნინოშვილის ქ. №35, ოთახი №42);

გ) ფიზიკა-მათემატიკისა და კომპიუტერულ მეცნიერებათა ფაკულტეტზე: მათემატიკა, ფინანსური მათემატიკა, ფიზიკა, კომპიუტერული მეცნიერებები, კომპიუტერული მათემატიკა, გამოყენებითი ფიზიკა (მისამართი: ქ. ბათუმი, ნინოშვილის ქ. №35, ოთახი №210);

დ) განათლების ფაკულტეტზე: დაწყებითი განათლება (მისამართი: ქ. ბათუმი, ნინოშვილის ქ. №35, ოთახი №50);

ე) იურიდიული ფაკულტეტზე: სამართალმცოდნეობა (მისამართი: ქ. ბათუმი, ნინოშვილის ქ. №35, ოთახი №515);

ვ) ეკონომიკისა და ბიზნესის ფაკულტეტზე: ფინანსები, მენეჯმენტი, ეკონომიკა, საბუღალტრო და საგადასახადო საქმე, მარკეტინგი (მისამართი: ქ. ბათუმი, ნინოშვილის ქ. №35, ოთახი №420);

ზ) სოციალურ და პოლიტიკურ მეცნიერებათა ფაკულტეტზე: ევროპისმცოდნეობა, ფსიქოლოგია, საერთაშორისო ურთიერთობები (მისამართი: ქ. ბათუმი, ნინოშვილის ქ. №35, ოთახი №520) ;

თ) ტურიზმის ფაკულტეტზე: ტურიზმი (მისამართი: ქ. ბათუმი, ნინოშვილის ქ. №35, ოთახი №15);

ი) ტექნოლოგიური ფაკულტეტზე: მშენებლობა, ტელეკომუნიკაცია, ტრანსპორტი, სამთო და გეო-ინჟინერია, არქიტექტურა, აგრონომია, სასურსათო ტექნოლოგია, სატყეო საქმე, აგროეკოლოგია, აგროინჟინერია (მისამართი: ქ. ბათუმი, ფიროსმანის ქ. №12, ოთახი №102);

3. რეგისტრაციისათვის აბიტურიენტებმა უნდა წარმოადგინონ შემდეგი დოკუმენტები:

ა) პირადობის მოწმობის ასლი (დედანთან ერთად);

ბ) ზოგადი განათლების დამადასტურებელი მოწმობის (ატესტატის) ნოტარიულად დამოწმებული ასლი;

გ) ფოტოსურათი 3 ცალი (3x4), ასევე სურათის ელექტრონული ვერსია (CD დისკი);

დ) სამხედრო აღრიცხვაზე ყოფნის დამადასტურებელი დოკუმენტის ასლი (ვაჟებისათვის);

4. ბსუ-ს საბაკალავრო საგანმანათლებლო პროგრამებზე სწავლის დაწყებამდე სტუდენტი ვალდებულია გაიაროს ადმინისტრაციული რეგისტრაცია - გადაიხადოს სწავლის საფასური 2016 წლის 9 სექტემბრის ჩათვლით. საბანკო

რეკვიზიტები განთავსდება ბსუ-ს ოფიციალურ ვებგვერდზე ([www.bsu.edu.ge](http://www.bsu.edu.ge)), ველში „სწავლა“.

5. აბიტურიენტთა რეგისტრაციის მიზნით, მათ მიერ წარმოდგენილი დოკუმენტაციის საფუძველზე, შესაბამისი ფაკულტეტის ადმინისტრაციის მიერ უზრუნველყოფილი იქნეს აბიტურიენტებთან ხელშეკრულებების გაფორმება „2015-2016 სასწავლო წლიდან ბათუმის შოთა რუსთაველის სახელმწიფო უნივერსიტეტის ბაკალავრიატის სტუდენტთან გასაფორმებელი ხელშეკრულების ფორმის დამტკიცების შესახებ“ ბსუ-ს რექტორის მოვალეობის შემსრულებლის 2015 წლის 13 ივლისის N01-08/31 ბრძანების შესაბამისად და რეგისტრირებულ პირთა პირადი საქმების გახსნა.


6. ბსუ-ში აბიტურიენტთა ჩარიცხვის შესახებ ბრძანება გამოიცეს აბიტურიენტთა რეგისტრაციის შედეგების მიხედვით.

7. ბრძანება სახელმძღვანელოდ დაეგზავნოს ბსუ-ს შესაბამის სტრუქტურულ ერთეულებს, ასევე საჯარო გაცნობის მიზნით განთავსდეს ბსუ-ს საინფორმაციო დაფებზე და ბსუ-ს ოფიციალურ ვებგვერდზე.

8. ბრძანება შესასრულებლად დაეგზავნოს ბსუ-ს შესაბამის სტრუქტურულ ერთეულებს.

9. ბრძანება ძალაშია ხელმოწერისთანავე.

რექტორი, ასოცირებული პროფესორი



მერაბ ხალვაში